

ZAPISNIK SA
14. HITNE SJEDNICE SKUPŠTINE KANTONA SARAJEVO
ODRŽANE U UTORAK, 29.12.2020. GODINE,
SA POČETKOM RADA U 10,00 SATI

Predsjedavajući Elvedin Okerić (u daljem tekstu predsjedavajući) je pozdravio sve prisutne na online platformi i otvorio 14. Hitnu sjednicu Skupštine Kantona Sarajevo.

Prema evidenciji Službe **ONLINE** sjednici prisustvuje 33 zastupnika, što je dovoljan broj za punovažan rad i odlučivanje.

Sjednici prisustvuju sljedeći zastupnici i zastupnice:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Haris Zahiragić
4. Sabahudin Delalić
5. Mahir Dević
6. Amra Hasagić
7. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Vibor Handžić

SOCIJALDEMOKRATSKA PARTIJA BOSNE I HERCEGOVINE

1. Segmedina Bajramović Srna
2. Igor Stojanović
3. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Zvonko Marić
2. Dževad Poturak
3. Bilsena Šahman

DEMOKRATSKA FRONTA

1. Senad Hasanović
2. Bibija Kerla
3. Sead Milavica

SAMOSTALNI ZASTUPNICI/ZASTUPNICE:

1. Damir Nikšić
2. Fahrudin Pecikoza
3. Damir Marjanović
4. Elvis Vreto
5. Jasna Duraković
6. Aljoša Čampara
7. Admela Hodžić

8. Amra Junuzović-Kaljić

Izostanak sa ove sjednice opravdali su zastupnici Mirza Čelik i Haris Pleho.

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 24.12.2020. godine utvrdio da postoji osnov za sazivanje Hitne sjednice Skupštine Kantona Sarajevo i odredio termin održavanja iste za dan 29.12.2020. godine u 10,00 sati.

U skladu sa članom 65. Poslovnika Skupštine Kantona Sarajevo, dnevni red za ovu sjednicu utvrdit će se danas.

Zastupnik Elmedin Konaković se javio za riječ i predložio sljedeće tačke dnevnog reda:

1. Prijedlog Odluke o privremenom finansiranju potreba Kantona Sarajevo za period od 01.01.2021.godine do 31.03.2021.godine;
2. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2021.godine do 31.03.2021.godine,
3. Prijedlog Odluke o davanju saglasnosti na Odluku o privremenom finansiranju potreba Javne ustanove „Služba za zapošljavanje Kantona Sarajevo” Sarajevo za period 01.01.2021.godine do 31.03.2021.godine.

Tačka četiri na zahtjev premijera Nenadića:

4. Prijedlog odluke o izmjeni Odluke o osnivanju KJU Porodično savjetovalište i
5. Zaključak o produžavanju moratorija na zapošljavanje u Kantonu Sarajevo.

Zatim se za riječ prijavio zastupnik Damir Nikšić koji je predložio tačku: Izvještaj o stanju kvalitete zraka u Sarajevu.

Na prijedlog zastupnik Damira Marjanovića pod tačkom sedam će se razmatrati dosadašnje aktivnosti vezane za Odluku Skupštine Kantona Sarajevo, a vezano za rješavanje problema samofinansirajućih studenata koji su ostvarili prosjek preko 8,0.

Shodno naprijed iznesenim prijedlozima Dnevni red 14. Hitne sjednice Skupštine Kantona Sarajevo glasi:

1. Prijedlog Odluke o privremenom finansiranju potreba Kantona Sarajevo za period od 01.01.2021.godine do 31.03.2021.godine;
2. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo za period 01.01.2021.godine do 31.03.2021.godine,
3. Prijedlog Odluke o davanju saglasnosti na Odluku o privremenom finansiranju potreba Javne ustanove „Služba za zapošljavanje Kantona Sarajevo” Sarajevo za period 01.01.2021.godine do 31.03.2021.godine.
4. Prijedlog odluke o izmjeni Odluke o osnivanju KJU “Porodično savjetovalište”
5. Informacija o stanju kvalitete zraka u Kantonu Sarajevo,
6. Informacija o realizaciji Zaključka Skupštine Kantona Sarajevo broj:01-04-39939-8/20 od 03.11.2020.godine,
7. Zaključak o produženju moratorija na zapošljavanje u Kantonu Sarajevo.

PREDSJEDAVAJUĆI JE POZVAO ZASTUPNICE I ZASTUPNIKE DA PRISTUPE IZJAŠNJAVANJU O PRIJEDLOGU DNEVNOG REDA ZA 14. HITNU SJEDNICU SKUPŠTINE KANTONA SARAJEVO I NAKON GLASANJA KONSTATOVANO JE DA JE

SKUPŠTINA JEDNOGLASNO (32 „ZA”) UTVRDILA DNEVNI RED ZA 14. HITNU SJEDNICU.

AD – 1.

PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01.2021.GODINE DO 31.03.2021.GODINE

Premijer Mario Nenadić je podnio uvodne napomene po ovom Prijedlogu odluke:

„Poštovani predsjedavajući, zamjenici predsjedavajućeg, gospodo ministri, građani Kantona Sarajevo, prije svega dobro jutro i hvala na prilici da napravim uvodne napomene vezano za Prijedlog odluke o privremenom finansiranju potreba Kantona Sarajevo za period 01.01. do 31.03.2021 godine. Kako se pretpostavlja da Skupština Kantona Sarajevo neće donijeti Budžet Kantona za 21 godinu do 31.12.2020. godine Vlada Kantona Sarajevo predlaže Skupštini da donese Odluku o privremenom finansiranju potreba Kantona za period 01.01. do 31.03.2021. Ustavni osnov sadržan je u članu 18 h) Ustava prema kome Skupština usvaja Budžet Kantona Sarajevo i donosi zakone o oporezivanju i na drugi način osigurava potrebno finansiranje. Zakonski osnov sadržan je za donošenje Odluke o privremenom finansiranju je član 35 i 38. Zakona o Budžetima u FBiH, kojim je propisano da ukoliko Skupština ne donese Budžet prije početka fiskalne godine, privremeno se, na osnovu odluke o privremenom finansiranju nastavlja finansiranje poslova, funkcija i programa korisnika Budžeta. Odluku o privremenom finansiranju donosi Skupština. Privremeno finansiranje obavlja se najduže za prva tri mjeseca fiskalne godine, u ovom slučaju 2021. godine. Privremeno finansiranje obavlja se srazmjerno sredstvima utrošenim u istom periodu najviše do tromjesečnog prosjeka za prethodnu fiskalnu godinu, znači za svakog Budžetskog korisnika koliko je potrošio u periodu od 01.01. do 31.03.2020. godine a najviše do potrošenog tromjesečnog prosjeka za 2020.godinu. Izuzetno od prethodno navedenog mogu se izvršavati rashodi i izdaci iz osnova unutrašnjeg i vanjskog duga do visine stvorenih obaveza, kao i rashodi i izdaci koji se finansiraju iz uplaćenih i prenesenih pomoći, donacija i prihoda za posebne namjene prema odlukama Vlade na prijedlog Budžetskog korisnika. U periodu privremenog finansiranja, finansiraju se isti programi, a korisnici ne smiju povećavati broj zaposlenih u odnosu na stanje na dan 31.12.2020.godine. Budžetski korisnici ne mogu započeti nove ili proširene programe ili aktivnosti dok se ne donese Budžet. Budžet se mora donijeti najkasnije do 31.03.2021.godine. A ko se Budžet ne donese do 31.03 nakon toga se neće izvršavati rashodi u bilo koju svrhu osim otplate duga sve dok se Budžet ne donese. Obzirom da je Prijedlog odluke o privremenom finansiranju potreba Kantona Sarajevo za period od 01.01. do 31.03. veoma kratak dozvolite mi samo da pročitam ta dva člana obzirom da sam uvod pravni Ustavni zakonski osnov već naveo.

Član 1.

Privremeno finansiranje potreba Kantona Sarajevo za koje se sredstva obezbjeđuju Budžetu Kantona Sarajevo u periodu od 01.01.2021 do 31.03.2021 godine vršit će se srazmjerno sredstvima utrošenim u istom periodu a najviše do tromjesečnog prosjeka za prethodnu fiskalnu godinu.

Član 2.

Ova odluka stupa na snagu narednog dana od dana objavljivanja u “Službenim novima Kantona Sarajevo” a primjenjivat će se od 01.01.2021. godine.

Evo to je kratak uvod vezan za predmetnu tačku a ukoliko bude potreba za određene odgovore ili tumačenja ove odluke, sa nama je danas i kolegica Zejna Avdić sekretar Ministarstva finansija, u odsustvu ministra Halebića da nam pomogne u rješavanju ovog pitanja.”

Nakon uvodnih napomena od strane premijera Nenadića otvorena je diskusija po Prijedlogu odluke o privremenom finansiranju potreba Kantona Sarajevo za period od 01.01.2021.godine do

31.03.2021.godine. U diskusiji su učestvovali zastupnik Haris Zahiragić i zastupnik Elmedin Konaković.

S OBZIROM DA NIJE BILO VIŠE PRIJAVLJENIH, PREDSEDAVAJUĆI JE ZAKLJUČIO RASPRAVU I POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01.2021.GODINE DO 31.03.2021.GODINE.

NAKON GLASANJA KONSTATOVANO JE DA JE SKUPŠTINA JEDNOGLASNO (32 „ZA”) DONIJELA OVU ODLUKU.

AD – 2.

PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 01.01.2021.GODINE DO 31.03.2021.GODINE

Ministrica za rad, socijalnu politiku, raseljan lica i izbjeglice i v.d. ministrica zdravstva Jasna Agić je podnijela uvodne napomene po ovoj tački dnevnog reda:

„Zahvaljujem uvaženi predsjedavajući. Pozdravljam uvažene zastupnice i zastupnike i građane Kantona Sarajevo. Znači u skladu sa članom 48. Statuta ZZO Kantona Sarajevo i članovima 35 i 38. Zakona o Budžetu FBiH, UO ZZO Kantona Sarajevo je na 22. elektronskoj sjednici održanoj 04.12.2020 godine donio Odluku o privremenom finansiranju ZZO Kantona Sarajevo za period 01.01.2021. do 31.03.2021.godine. Te istu dostavio na saglasnost Vladi odnosno Skupštini Kantona Sarajevo. Odluka o privremenom finansiranju ZZO Kantona Sarajevo u periodu 01.01. do 31.03.2021 je donesena iz razloga što nije donesen Finansijski plan ZZO za 21 godinu te će se finansiranje obavljati privremeno odnosno za prva tri mjeseca fiskalne 21 godine. UO ZZO Kantona Sarajevo je na osmoj sjednici održanoj dana 29.10. 2020 i na 22. elektronskoj sjednici dana 04.12.2020 razmatrao radni materijal Plan prihoda i primitaka i rashoda i izdataka za 21 godinu i zaključio da u ovom momentu ne može donijeti istu iz razloga navedenih u obrazloženju odluke koja je u prilogu ovog materijala. U periodu privremenog finansiranja, finansiranje zdravstvene zaštite osiguranih lica Kantona Sarajevo i potreba i funkcija ZZO Kantona Sarajevo vršit će se srazmjerno sredstvima utrošenim najviše do tromjesečnog prosjeka za prethodnu fiskalnu godinu. U periodu privremenog finansiranja finansiraju se isti programi te nije dozvoljeno povećanje broja zaposlenih u odnosu na stanje 31.12.2020. godine ZZO Kantona Sarajevo ne može započeti nove proširene programe i aktivnosti dok se ne donese Finansijski plan Zavoda za 21 godinu. Ova odluka je usvojena od strane Vlade Kantona Sarajevo na 47 sjednici dana 17.12.2020. godine. Ukoliko Budžet dodatnih pitanja tu je s nama i direktor Sakib Katana. Hvala.”

Nakon uvodnih napomena, pitanje je postavio zastupnik Elmedin Konaković:
„Hvala predsjedavajući. Pitanje za ministricu Agić. Da li UO ZZO postoji, imali ZZO svoj menadžment i da li s ti organi vama, kao Vladi prosljedili eventualno prijedlog Budžeta? A u raspravi ću objasniti zašto mi je to važno. Da li su dakle u ovom periodu u kom su bili dužni pripremiti Finansijski plan, ne Budžet, da li su ti organi uradili svoj posao i da li su Vladi eventualno prosljedili takav dokument i šta ste vi s takvim dokumentom uradili. Jeste li ga vi zaustavili eventualno u daljoj proceduri? Hvala.”

Odgovor na pitanje zastupnika Konakovića dala je ministrica Jasna Agić kako slijedi:
„Dobro, znači ZZO ima svoj menadžment, ima svoj UO. Oni su razmatrali Finansijski plan ZZO za 21 godinu, međutim nisu ga usvojili iz razloga koji je u njihovoj odluci, odluka u materijalu

obrazložen koji je to razlog, prema tome, njihov Finansijskih plan za 21 godinu nije došao do Vlade Kantona Sarajevo i Vlada ga nije zaustavila. Hvala.”

U nastavku realizacije ove tačke dnevnog reda otvorena je diskusija u kojoj su učestvovali zastupnik Elmedin Konaković, zastupnik Haris Zahiragić i zastupnica Bibija Kerla.

S OBZIROM DA NIJE BILO VIŠE PRIJAVLJENIH, PREDSEDavajući JE ZAKLJUČIO RASPRAVU I POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO ZA PERIOD 01.01.2021.GODINE DO 31.03.2021.GODINE.

NAKON GLASANJA KONSTATOVANO JE DA JE SKUPŠTINA JEDNOGLASNO (32 „ZA”) DONIJELA OVU ODLUKU.

AD – 3.

PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE „SLUŽBA ZA ZAPOŠLJAVANJE KANTONA SARAJEVO” SARAJEVO ZA PERIOD 01.01.2021.GODINE DO 31.03.2021.GODINE

Ministrica za rad, socijalnu politiku, raseljan lica i izbjeglice Jasna Agić je podnijela uvodne napomene po ovoj tački dnevnog reda: „Kako do kraja godine neće biti usvojen Finansijski plan JU Služba za zapošljavanje Kantona Sarajevo za 2021 stvorila se potreba za privremenim finansiranjem te ustanove. Članom 35. Zakona o Budžetima u FBiH propisano je da se privremeno finansiranje obavlja najduže prva tri mjeseca. Privremeno finansiranje obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu. Sredstva u cijelosti obezbjeđuje JU Služba za zapošljavanje Kantona Sarajevo a vršit će se najduže do 1/4 ukupnih prihoda utrošenih po Finansijskom planu JU Služba za zapošljavanje Kantona Sarajevo za 2020 godinu. UO JU Služba za zapošljavanje Kantona Sarajevo je na sjednici održanoj dana 22.12.2020.godine donio Odluku o privremenom finansiranju potreba JU Služba za zapošljavanje Kantona Sarajevo za period 01.01.-31.03.2021.godine koji je potvrdio i NO JU Služba za zapošljavanje Kantona Sarajevo na sjednici 23.12.2020.godine. Ova Odluka usvojena je i od strane Vlade Kantona Sarajevo na 49. radnoj sjednici održanoj 28.12.2020.godine. Napominjem da je JU Služba za zapošljavanje pripremila, a Vlada Kantona Sarajevo usvojila i Finansijski plan Službe za zapošljavanje za 2021.godinu ali je Kolegij Skupštine tražio da služba pripremi privremeno finansiranje i da ono danas bude kao tačka dnevnog reda. Hvala.”

S OBZIROM DA NIJE BILO PRIJAVLJENIH ZA PITANJA ILI DISKUSIJU, PREDSEDavajući JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU POTREBA JAVNE USTANOVE „SLUŽBA ZA ZAPOŠLJAVANJE KANTONA SARAJEVO” SARAJEVO ZA PERIOD 01.01.2021.GODINE DO 31.03.2021.GODINE.

NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA”) DONIJELA OVU ODLUKU.

AD - 4.

PRIJEDLOG ODLUKE O IZMJENI ODLUKE O OSNIVANU JAVNE USTANOVE "PORODIČNO SAVJETOVALIŠTE"

Ministrica za rad, socijalnu politiku, raseljena lica i izbjeglice Jasna Agić je podnijela uvodne napomene po ovoj tački dnevnog reda: „KJU Porodično savjetovalište, čiji je osnivač Kanton Sarajevo je u dosadašnjem periodu obavljala propisanu djelatnost u zakupljenim prostorijama u ulici Avdage Šahinagića broj 14 Sarajevo. Cijena zakupnine je iznosila 2000 KM mjesečno. Imajući u vidu da je ova ustanova obavljala djelatnost u zakupljenom prostoru koji je uz to bio i neuslovan za izvršavanje poslova iz nadležnosti ustanova i prijem stranaka to je ovo Ministarstvo 2014 godine pokrenulo aktivnost na obezbjeđenju finansijske podrške za izgradnju poslovne zgrade za ovu ustanovu, što je omogućilo da se izgradnja ovog poslovnog objekta završi i da se od strane službe za oblast prostornog uređenja i urbanizam općine Novo Sarajevo donese rješenje od 20.11.2020.godine kojim se utvrđuje da se poslovni objekat KJU Porodično savjetovalište u ulici Bihacka bb Sarajevo kao tehnički ispravan može koristiti. Kako član 6. Zakona o ustanovama propisuje da osnivač donosi akt o osnivanju koji treba između ostalog da sadrži i naziv i sjedište ustanove, a u odluci o osnivanju KJU Porodično savjetovalište u članu 2. stav 2) sjedište ustanove je u ulici Avdage Šahinagića broj 14/2 Sarajevo. To je neophodno da se u ovom dijelu izmijeni osnivački akt ove ustanove. Na ovaj način će se omogućiti da ustanova može započeti svoj rad kako je planirano 01.01.2021.godine u novim prostorijama. Imajući u vidu naprijed navedeno Ministarstvo za rad socijalnu politiku, raseljena lica i izbjeglice Kantona Sarajevo je izradilo Odluku o izmjeni Odluke o osnivanju KJU Porodično savjetovalište koja je usvojena i od strane Vlade na 47. radnoj sjednici održanoj 17.12.2020.godine. Hvala.”

JEDINI DISKUTANT PO OVOM PRIJEDLOGU ODLUKE BILA JE BIBIJ A KERLA A NAKON NJENOG KRATKOG KOMENTARA PREDSDJEDAVAJUĆI JE POZVAO ZASTUPNIKE I ZASTUPNICE DA PRISTUPE IZJAŠNJAVANJU O PRIJEDLOGU ODLUKE O O IZMJENI ODLUKE O OSNIVANU JAVNE USTANOVE "PORODIČNO SAVJETOVALIŠTE".

NAKON GLASANJA KONSTATOVANO JE DA JE SKUPŠTINA VEĆINOM GLASOVA (25 „ZA” I 5 „SUZDRŽANIH”) DONIJELA OVU ODLUKU.

AD – 5.

INFORMACIJA O STANJU KVALITETA ZRAKA U KANTONU SARAJEVO

Ministar prostornog uređenja, građenja i zaštite okoliša Faruk Kapidžić se obratio Skupštini ističući:

„Hvala. Dakle informacija o kvaliteti zraka obzirom da je prošlo nekih 30 minuta od stavljanja te tačke nije moguće dati tako brzo doći do podataka. Možda bi za jedan dan napravio kvalitetnu informaciju. Ono što sam mogao da napravim to je samo da je kvalitet zraka u Kantonu Sarajevo u odnosu na isti dan prošle godine, u odnosu na 29.12.2019 osam puta bolji. Što ne znači da je dovoljno dobar, ali jeza naše prilike nešto o čemu možemo samo sanjati. Da li je to rezultat kvalitetnog rada ove Vlade i mog Ministarstva na poboljšanju kvalitetu zraka u Kantonu ili je klima osjetila iskrenu namjeru ove Vlade pa nas je počastila dobrim vremenom to ostavljam vašim ekspertima da ustanove. Ali u svakom slučaju sam razočaran da niste bili u stanju na sjednicu staviti na dnevni red Odluku, odnosno materijal Vlade o izmjeni i dopuni Odluke o zaštiti i poboljšanju kvaliteta zraka u Kantonu Sarajevo, koji je dostavljen Skupštini na usvajanje 22.12.2020. i u kojem je članom 17 a) definisana zabrana upotrebe i posjedovanja uglja u Kantonu počev od 01.11.2021. Mislim da je to materijal koji se morao naći na hitnoj sjednici obzirom da ako se ne krene s tim čim prije neće se stići a to je za građane najbitnije i za zdravlje građana. Hvala.”

Nakon obraćanja ministra Kapidžića otvoren je prostor za pitanja i diskusiju, a diskutanti po ovoj tački dnevnog reda bili su zastupnik Damir Nikšić, zastupnik Elmedin Konaković, zastupnik Haris Zahiragić, zastupnik Mahir Dević, zastupnik Vedran Jakupović, dopredsjedavajući Vitor Handžić i zastupnica Bibija Kerla.

Nakon iscrpljene liste prijavljenih za diskusiju predsjedavajući Okerić je zaključio raspravu i konstatovao DA JE SKUPŠTINA KANTONA SARAJEVO PRIMILA INFORMACIJU K ZNANJU.

AD – 6.

**INFORMACIJA O REALIZACIJI ZAKLJUČKA SKUPŠTINE KANTONA SARAJEVO
BROJ:01-04-39939-8/20 OD 03.11.2020. GODINE**

Zastupnik Damir Marjanović je kao predlagač ove tačke dnevnog reda podnio uvodne napomene:

„Zahvaljujem predsjedavajući. Hvala inače kolegama koji su podržali uvođenje ove tačke. Bit ćemo jako kratki. Jednostavno ukazala se potreba da informiramo javnost. Podsjetiti ću sve kolege da smo na sjednici na kojoj smo naveli datum u naslovu ove tačke donijeli odluku da nam UNSA dostavi jasne i precizne liste svih studenata koji su samofinansirajući a koji su ostvarili prosjek preko 8,0 i koji su očistili prethodnu godinu. Zamolili smo ih da bude to detaljna informacija. A onda smo između ostalog instruirali UNSA da do kraja ovog semestra ne ide u naplatu drugog dijela školarina, iz jednog prostog razloga što pokušavamo pronaći način da one studente koji su samofinansirajući, koji su ostvarili ovaj prosjek ipak na neki način ohrabrimo i da im u ovoj godini pronađemo mogućnost da ih država finansira. Posebno one koji su na žalost ove godine izgubili tu mogućnost a trebali su objektivno da je ostvare usljed onih bezuslovnih prelazaka na osnovu određenih izmjena. Elem, samo da informiramo javnost s obzirom da su bila postavljena pitanja. Tek danas smo zvanično na protokolu, mada znam da je UNSA i ranije poslao to, čini mi se da je to 11 ili 12 decembra, koliko imam informaciju od vas, tek danas smo dobili taj dokument i siguran sam da ćemo u narednim danima ga svi zajedno detaljno analizirati, možda čak na nekoj od sljedećih sjednica Skupštine Kantona Sarajevo prodiskutovati i da ćemo siguran sam svi zajedno, kako smo jednoglasno usvojili taj zaključak, donijeti neke od zaključaka koji je omogućiti većini ovih studenata da u ovim teškim uvjetima nastave svoje studiranje. Još jednom ponavljam da studentima koji su pokazali dobro znanje, pokazali svoj prosjek a mi jednostavno pokušavamo da ih zadržimo kao dobre studente na UNSA i da im u ovim teškim vremenima damo određenu potporu. Dakle još jednom podsjećam, a vi me ispravite ako griješim, u prethodnoj odluci smo, upravo zbog toga, što nam treba i dodatno vrijeme a i da bi imali dovoljno vremena da sve ovo analiziramo, sugerirali, smijem reći naložili UNSA da do kraja ovog semestra ne ide u naplatu sa drugom tranšom školarina. Ovo napominjem zato što smo dobili nezvanične informacije od pojedinih studenata da su dobili zahtjeve od pojedinih fakulteta, ne svih, nego pojedinih fakulteta, da izmire svoje obaveze. Eto to je samo neki uvodni dio. A evo ako imate neku dodatnu informaciju ja bih vas zamolio da je podijelite sa nama. Hvala velika.”

Nakon uvodnih napomena pitanja i diskusiju su imali zastupnik Haris Zahiragić, Damir Marjanović kao predlagač i zastupnica Bibija Kerla.

NAKON ISCRPLJENE LISTE PRIJAVLJENIH ZA DISKUSIJU PREDSEDJAVAJUĆI OKERIĆ JE ZAKLJUČIO RASPRAVU I KONSTATOVAO DA JE SKUPŠTINA KANTONA SARAJEVO PRIMILA INFORMACIJU K ZNANJU.

ZAKLJUČAK O PRODUŽENJU MORATORIJA NA ZAPOŠLJAVANJE U KANTONU SARAJEVO

Zastupnik Elmedin Konaković se prijavio za riječ i dao uvodne napomene po predloženom Zaključku: "Pa dakle evo ovih dana svjedočimo da su naši strahovi bili opravdani kada je riječ o tom masovnom zapošljavanju i da nije bilo moratorija vjerovatno bi se desilo ono što se danas dešava u Sarajevo šumama i u još nekim preduzećima u kojima imamo te zapisnike čak i sa sjednica Vlada ali imamo i raspisane konkurse dakle. Direktori ne poštuju volju svoga osnivača, i oni vjerovatno ne znaju da sami sebi ubrzavaju smjene zato što je jedan od razloga za smjene tih ljudi nepoštivanje politike osnivača. Skupština Kantona je osnivač i Skupština Kantona je donijela odluke koje se tiču kontrole zapošljavanja u javnom sektoru. Da ne bi smo imali probleme u ovih nekoliko dana dodatne a vidim da ćemo imati ukoliko ne produžimo dejstvo ovog moratorija, mi smo danas predložili jedan zaključak koji je potpuno usklađen sa svim onim primjedbama koje smo korigovali na sjednici 17.11. tako da nema bojazni za bilo kakvo paralisanje sistema, upravljačke strukture u v.d. mandatima i dalje se mogu imenovati, i one nužne poslove za koje je Skupština procijenila i dalje mogu biti predmet rada ove Vlade, ali nikako kako to danas u Sarajevo šumama ovaj menadžment. Dakle prijedlog zaključka smo poslali na skupštinski mail, molim ako nije do sada, sekretarku da pošalje svim kolegama zastupnicima. On je jednostavan i glasi ovako: Zaključak Skupštine KS broj: 01-04-35283-3/20 od 28.09.2020.godine i Zaključak o izmjeni i dopunama Zaključka Skupštine Kantona Sarajevo broj 01-04-45862/20 od 17.11.2020. ostaju na snazi do 29.01.2021.godine. Imamo informacije i za Tržnice i za još neka preduzeća, da ne bi smo sada ušli u tu međufazu vakuuma između smjena Vlade molim kolege zastupnike da podrže ovaj zaključak kako bi zaustavili taj masovan rast javne potrošnje. Hvala."

U nastavku realizacije ove tačke dnevnog reda uslijedila je diskusija u kojoj su učestvovali zastupnica Bibija Kerla, zastupnik Zvonko Marić, zastupnik Elmedin Konaković i zastupnica Jasna Duraković.

„Prijedlog Zaključka Skupštine Kantona Sarajevo broj 01-04-35283-3/20 od 28.09.2020.godine i Zaključak o izmjeni i dopunama Zaključka Skupštine Kantona Sarajevo broj 01-04-45862/20 od 17.11.2020. ostaju na snazi do 29.01.2021.godine."

S OBZIROM DA JE ISCRPLJENA LISTA PRIJAVLJENIH PREDSDJEDAVAJUĆI JE ZAKLJUČIO RASPRAVU I POZVAO ZASTUPNIKE I ZASTUPNICE DA PRISTUPE IZJAŠNJAVANJU O ZAKLJUČKU O PRODUŽENJU MORATORIJA NA ZAPOŠLJAVANJE U KANTONU SARAJEVO.

SKUPŠTINA JE VEĆINOM GLASOVA (23 „ZA” I 6 „SUZDRŽANIH”) DONIJELA OVAJ ZAKLJUČAK.

Nakon realizacije ove tačke uslijedila je diskusija vezano za informacije o dolasku migranta sa područja USK u Kantona Sarajevo. U diskusiji su učestvovali zastupnik Damir Marjanović, zastupnik Zvonko Marić, zastupnica Bibija Kerla, zastupnik Elmedin Konaković, i dopredsjedavajući Vibor Handžić.

Predsjedavajući je konstatovao da je dnevni red 14. Hitne sjednice iscrpljen, zpa je zaključio rad na sjednici.

Zapisnik izradila:
Jasminka Deliahmetović

SEKRETAR
SKUPŠTINE KANTONA SARAJEVO

Aida Zeković, dipl. pravnik

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Sastavni dio ovog zapisnika su stenografske bilješke, audio snimak sjednice, koji se čuvaju u Službi za skupštinske poslove Skupštine Kantona Sarajevo.